

輿地紀勝

五

宋元地理志叢刊

(宋)王象之·撰

李勇先·校點

四川大學出版社





輿地紀勝

宋王象之撰

上海古籍出版社

（上海古籍出版社）



宋元地理志叢刊

(宋)王象之·撰

李勇先·校點

輿地紀勝

五



四川大學出版社

責任編輯：莊 劍 徐聞文 熊 志
責任校對：王大用 洪 滔 杜 偉 李文傑
責任印制：楊麗賢

圖書在版編目(CIP)數據

輿地紀勝校點 / (宋) 王象之原著；李勇先校點。
成都：四川大學出版社，2005.10
(宋元地理志叢刊)
ISBN 7-5614-3250-X

I. 輿... II. ①王... ②李... III. 歷史地理－中國－宋代 IV. K928.644

中國版本圖書館 CIP 數據核字 (2005) 第 111031 號

書名 輿 地 紀 勝

作 者	[宋]王象之 原著 李勇先 校點
出 版	四川大學出版社
地 址	成都市一環路南一段 24 號 (610065)
發 行	四川大學出版社
印 刷	成都東江印務有限公司
成品尺寸	140 mm×202 mm
印 張	212.625
字 數	4100 千字
版 次	2005 年 10 月第 1 版
印 次	2005 年 10 月第 1 次印刷
定 價	980.00 圓(全十冊)

版權所有◆侵權必究

◆讀者郵購本書，請與本社發行科
聯系。電話：85408408/85401670/
85408023 郵政編碼：610065
◆本社圖書如有印裝質量問題，請
寄回出版社調換。
◆網址：www.scupress.com.cn

輿地紀勝卷第六十六

鄂州上

東鄂 鄂渚 渚宮 沙陽 夏汭 夏口 魯口

【州沿革】

鄂州，緊。江夏郡。《元和郡縣志》。武昌軍節度。《九域志》。兼沿江制置副使。嘉定新制。《禹貢》。荊州之域。《元和郡縣志》。於天文，爲翼、軫，楚之分野。《後漢·天文志》：「鶉尾，荊州分野。」《晉·天文志》云：「江夏入翼三度。」自周夷王時入于楚，楚熊渠封其子紅爲鄂王。《史記·楚世家》。又《寰宇記》引《楚世本》云云。今武昌縣是也。鄂之名始此。春秋時謂之夏汭。《寰宇記》。秦屬南郡。《史記》：「秦白起取郢爲南郡。」漢高帝置江夏郡，領鄂縣。《漢·地理志》。高帝置江夏郡，領縣十四，有鄂縣、沙羨縣，其地跨大江南北，而夏水注其境，故名。獻帝時，黃祖爲

江夏太守，始於沙羨音夷。置屯，此據《吳錄》。又荀子曰：「今南有沙羨。」今郡治是也。三國時，吳置江夏郡于此，以程普領江夏太守。《三國志·程普傳》在建安十四年。吳主孫權自公安徙治鄂，更名鄂曰武昌。《通鑑》在魏文帝黃初二年。置武昌郡，沙羨、武昌二縣並屬焉。《元和郡縣志》及《三國志》云，置武昌郡在建安二十五年。武昌之名始此。按武昌，即今之壽昌軍。沙羨，即今之鄂州。又按李巽巖《鄂州南樓記》曰：「吳孫氏更名漢鄂曰武昌。今州東北八十里武昌縣是也。若今州，則漢之沙羨耳。」《晏公類要》亦同。晉立鄂縣。沈約《宋志》云：「太康元年，復立鄂縣、武昌如故。」《晉書·地理志》武昌郡領縣七，既有沙羨，又有鄂縣及武昌縣，三縣並置，沙羨有夏口。《晉志》又於武昌縣下注云：「故東鄂也，楚子熊渠封中子紅於此。」而於鄂縣下注云：「有新興鐵官。」則鄂縣蓋東近興國軍界，非今之鄂州也。《元和郡縣志》於永興縣下書云：「本鄂縣地。」則可見矣。故《宋志》、《南齊志》武昌郡下有鄂縣，而武昌縣即今壽昌軍也。江夏郡下有沙陽、沙羨，即所謂夏口，乃今之鄂，亦非古之鄂縣，特隋文立郡時因鄂之名改江夏爲鄂，而併廢武昌以隸之。後既升武昌軍，則併鄂亦爲武昌矣（二），非舊也。晉惠帝分荊州置江州，而武昌改隸江州，江夏仍隸荊州。《晉書·地理志》在元康元年。庾翼爲荊州，治夏口。《南齊志》云：「庾翼爲荊州，治夏口，依地險也。」宋江夏郡，治夏口。按《宋書志》云：「江夏郡統縣七，治江夏。」而鄂

縣自隸武昌郡，則江夏與鄂自是兩處。蓋東漢末年，江夏尚治安陸。自孫策命周瑜爲江夏太守討黃祖，瑜始治江夏耳。宋孝武立郢州，治江夏，是爲郢城。《通鑑》在孝建元年。又《宋書·何尚之傳》云：「時欲立郢州。尚之議宜治夏口，上從之。」梁末，郢州降北齊，已而復歸于梁。《通鑑》：「梁敬帝承聖元年，郢州刺史陸法和以郢州降。齊侯瑱攻郢州，齊以慕容儼戍之，瑱不能拔，齊人以城在江外難守，因割以還梁。」隋平陳，改曰郢州。《隋志》云：「舊置郢州，梁分置北新州。隋平陳，改置郢州。」按平陳在開皇九年。煬帝初，州廢，爲江夏郡。《寰宇記》在大業初。唐平蕭銑，復爲郢州。《舊唐書·志》在武德四年。隸江南道。《唐志》序在正觀元年。又隸江南西道。《唐志》序在開元二十一年。改江夏郡，《舊唐志》在天寶元年。復爲郢州，乾元元年。置岳郢觀察使，領鄂、岳、蘄、黃四州，以郢州爲使理所。《舊唐志》在永泰後。陞武昌軍節度，《唐志》在憲宗元和元年。尋罷。元和五年。復陞武昌軍。《通鑑》：「敬宗寶曆元年，牛僧孺求出〔三〕，乃陞鄂、岳爲武昌軍，以僧孺充節度使。其後軍額廢置不常。」五代屬吳及南唐。《武昌志》：「後唐遙改武昌爲武清軍，而南唐自曰武昌。」皇朝平江南，隸江南道。《通略》在開寶八年。隸荆湖北路。《續通鑑》在至道三年。中興以來，或爲鄂岳制置使，《洪州續職方乘》云：「建炎四年，江南分

置三帥，而鄂州安撫使統鄂、岳、瑞、袁、虔、吉、南安七州。」或充湖東路安撫使，《中興小曆》：「紹興元年春，詔分鄂、岳、潭、衡、永、道、郴、桂陽八郡爲湖東路安撫使，置司於鄂，尋罷。」又《言行錄》云：「建炎末，江夏置帥，以便控扼，衡、永、郴、道皆隸屬。彼隔千餘里，重湖複嶺，緩急期會，勢不相及，州縣苦調發之艱阻，郵傳患文移之違滯，呂祉奏陳其不便，乃復爲南、北路。」或兼管內安撫使，紹興六年。或兼沿江制置副使，嘉定十三年。皆權宜之制。舊領縣八，既復漢陽軍，紹興七年，割漢陽縣爲軍。又置壽昌軍。嘉定十五年，割武昌縣爲軍。今領縣六，治江夏。自元和末置武昌軍已前，凡曰武昌者，即今之壽昌軍也；自元和已後曰武昌者，始屬今之鄂州。

【縣沿革】

江夏縣 緊

倚郭。《元和郡縣志》云：「本漢沙羨縣地，屬江夏郡。東晉以汝南流人僑寓立汝南郡，後爲汝南縣。隋開皇九年改爲江夏縣〔四〕，屬鄂州。」《舊唐志》云：「晉改沙羨爲沙陽，江、漢二水會於州西。春秋謂之夏汭，晉、宋謂之夏口。宋置江夏郡，治此，至隋不改。武德四年，改爲鄂州，取漢縣名也。」《隋志》云：「舊置江

夏郡，平陳，郡廢，大業初復置。」《寰宇記》云：「隋平陳後，置鄂州，治於此，以江夏郡爲縣，居舊汝南縣界。」《荆湘記》云：「金水北岸有舊汝南城是也。」開皇十年，移治于州東南焦度樓下，即今縣是也，古亦謂之夏口。」

蒲圻縣 中

在州西南四百一十里〔六〕。本沙羨縣地。《三國志·呂岱傳》云：「孫吳時置督，屯兵於此。」赤烏九年，分武昌爲兩部，自武昌以上至蒲圻爲右部〔七〕。《晉志》長沙郡下有——。《宋志》江夏郡——下云：「晉武帝太康元年立，本屬長沙。宋文帝元嘉十六年〔八〕，度巴陵〔九〕。孝武孝建元年，度江夏〔一〇〕。」《寰宇記》云：「吳黃武二年，於沙羨縣地置蒲圻縣。」《舊唐志》云：「吳分沙羨縣置蒲圻縣。」《元和郡縣志》亦云：「本漢沙羨縣地。吳大帝分立——。晉武帝改爲沙陽縣。」詳《元和志》之文〔一一〕，是謂晉武改——爲沙羨縣也。象之謹按：蒲圻、沙陽，悉是沙羨縣地。吳大帝分沙羨縣地立——，後又改沙羨縣名爲沙陽縣，而蒲圻、沙陽並爲兩縣，故《晉志》長沙郡下既有蒲圻，而武昌郡下又有沙陽，兩縣分屬兩郡，不應合爲一邑。《寰宇記》云：「——，宋屬長沙。隋割隸鄂州。」然《宋志》、

《齊志》蒲圻已隸江夏郡，不應至隋始屬鄂州也。《寰宇記》又云：「梁於沙陽縣立沙州。隋省沙陽入蒲圻。有赤壁山。」

崇陽縣望

在州南四百二十五里〔二二〕。前、後《漢志》、《晉志》下雋縣並屬長沙郡。《宋志》、《齊志》下雋縣並屬巴陵郡。《隋志》蒲圻縣下云：「梁置上雋郡，仍置沙州，州尋廢。平陳，郡廢。」《寰宇記》云：「本漢長沙下雋縣地，梁爲雋州。隋廢州，省入蒲圻。唐天寶元年，江西採訪使奏以蒲圻梓洞中二千餘戶〔二三〕，去縣六百餘里，若不別置縣，則難以統攝〔二四〕。二年，勅於其洞桃花溪口置唐年縣〔二五〕。僞吳改爲崇陽。僞唐改爲唐年。」《皇朝郡縣志》云：「石晉改爲臨江。皇朝開寶八年，改爲崇陽。」

咸甯縣中

在州東南三百里。本江夏縣之南境。唐大曆二年，以三鄉置永安鎮。僞吳改爲場。僞唐陞爲永安縣，隸鄂州。《輿地廣記》云：「國朝景德四年改咸甯，避永安陵名也。」

通城縣 中〔二六〕

在州西南五百里〔二七〕。本漢長沙下雋縣地。唐天寶元年，隸唐年縣。縣西有市，曰錫山。元和二年，陞爲鎮。五年，更名通城鎮。國朝熙寧五年，升鎮爲縣。元豐八年，割隸岳州。元祐七年，歸于鄂〔二八〕。紹興五年，復爲鎮，隸崇陽。十七年，復爲縣。

嘉魚縣 下

在州西南二百八十里。本漢沙羨地。晉太康初，析西南境置沙陽，即其地也。梁於沙陽置沙州，尋廢。隋併廢沙陽入蒲圻。又《寰宇記》云：「隋以其地多生鮎魚，置鮎瀆鎮。僞唐改鎮爲場。保大十一年，陞場爲縣。其地有魚嶽山，兼取南有嘉魚之義，更今名。」《五代年表》保大十一年癸丑，即後周太祖廣順三年也。

【監司軍帥沿革】

荆湖北路轉運司

國朝咸平二年，置湖南、北路轉運使，而湖北路轉運使治江陵。建炎二年省罷，紹興二年復置，始治鄂州。有副使、判官。東、西二衙在州之清遠門內，即舊江夏

縣及縣丞廳也。

湖廣總領所

中興之初，分兵駐上流，以轉運使董餉。紹興六年〔二九〕，始委戶部官一員總領。自霍蠡始總領湖南北、廣東西、江西、京西六路財賦，應辦鄂州、江陵、襄陽、江州駐劄大軍四處及十九州縣分屯兵。今置司在武昌門內。

都統制司

紹興四年，岳飛以神武後軍破李成，復漢上六州。五年，平湖寇，提師至鄂，因請駐之，置司于州治。十一年，和議成，召諸將入覲，以王貴權都統制，移司于城東黃鵠山之麓，即馮文簡公之舊宅也。又有副都統制廨舍，在轉運司南十九將寨中。自都統趙樽裁定之後，今爲九軍、三十將云〔三〇〕。

【風俗形勝】

江、漢朝宗于海。《禹貢》。美化行乎江、漢之域。《毛詩序》〔三一〕。州城本夏口城。《元和郡縣志》。城據黃鶴磯，本孫權所築。《吳志》：「赤烏二年，城沙羨南。」《齊志》云：「夏口城據黃鶴磯。」地居形要，控接湘川，邊帶漢沔。《齊志》郢州下及《元和郡縣

元元年，蕭衍使參軍張洪策說蕭懿曰：「———、———」上流要地。唐德宗時，李希烈以夏口上流要地，遣其將董侍襲鄂州，爲鄂州刺史李兼所敗。荆、吳形勝之最。永泰元年，閻伯理《黃鶴樓記》云：「坐窺井邑，俯挹雲煙（二五），亦———也。」地接峴、荆，江吞雲夢。喬大觀《南樓賦》。波映鸚洲，煙藏鶴樓。白雲芳草，思古悠悠。王元之《送張忠定詠宰崇陽序》（二六）。維江湯湯，鑑其襟袖；維山峨峨，眉其戶牖。同前。六縣士子以文辭相高，有六朝舊體。皇祐三年柳拱辰《郡守題名記》。

【景物上】

南樓。在郡治正南黃鵠山頂。中間嘗改爲白雲閣（二七），元祐間，知州方澤重建，復舊名（二八）。記文以爲庾亮所登故基（二九），非也。亮所登迺武昌縣安樂宮之端門也。李巽巖燾作《鄂州——記》云：「吳孫氏更名漢鄂曰武昌，今州東百八十里武昌縣是也。今鄂州乃漢沙羨。」當晉咸康時，沙羨未始有鄂及武昌之名，庾亮安從至此（三〇）？北榭。在設廳後。因山爲之，與南樓對。北園。在總領所。又有清景堂、正己亭、應軒、憩軒、跨碧、梅閣等處。東圃。在漕使東衙。舊名老圃，延袤百七十丈。旁有納履亭（三一），今藏高宗皇帝御書石刻。又有四景亭。南湖。在望澤門外（三二），周二十里。舊名赤欄湖，外與江通，長堤爲限。長街貫其中，四旁居

民蟻附。東湖。在城東四里。湖上有東園，爲近城登覽之勝。南浦。《寰宇記》云：「在江夏南三里。《離騷》云：『送美人兮南浦。』水出景首山，西入大江，冬涸夏盈，商舟聚泊。」今謂之新開港也。南沔。吳處厚詩：「有古稱——。」按沔水即漢水也。劉澄之《山水記》云（三三）：「夏水是江流沔，非沔入夏。」《書疏》引《地理志》云：「漢水之尾變爲夏水，蓋謂入沔之後兼流至漢陽入江處也。」應軒。在總領所。橫舟。在西漕衙。廣水。在西漕衙黃鵠山之絕頂。西近楚觀，下視江、漢，故取其義云。小山。在東漕衙之乖崖堂。有池，曰清淺。上洞。在蒲圻縣南五十里。諸峰攢立，有泉出半山石罅間（三四），下注成溪。楚樓。在南草市。楚觀。在總領所（三五）。即奇章亭舊址。楚望。在總領所東北。又黃鵠山頂有楚觀，亦隸本所。又有曲水亭、喬木亭等處。魯口。即夏口也。吳置督將於此，以其對魯山岸爲名。塗口。在江夏南，水路九十里。一名金水，一名金口。陶潛有《——》詩。鄂渚。在江夏西黃鶴磯上三百步（三六）。《輿地記》云：「雲夢之南，是爲——。其名於《離騷》見之。」又《晏公類要》云：「隋平陳（三七），立鄂州，以——爲名（三八）。」郢城。《輿地廣記》云：「梁武帝自襄陽起兵，迫——，有數百毛人踰堞且泣，投黃鶴磯，蓋城之精也，明旦城降。」夏汭。《尚書》「媯汭」。註曰：「水北曰汭。」則——者，江北之夏口。然《元和郡縣志》於鄂州亦云：「春秋謂之一」

一。然《左傳》註曰：「漢水曲入江處。」不同，當攷。夏口。——似指夏水之口。然何尚之云：「——在荆江之中，正對沔口。」而章懷太子注：「東漢亦謂夏口戍，今鄂州。」故《唐史》皆指鄂州爲夏口，本在江北。自孫權取對岸夏口之名以名之，而江北之名始晦。夏首。《水經注》云：「夏水之首，江之汜也，屈原所謂「過——而西浮」也。然湘東王遺王僧辯書謂「侯景據夏首，積兵糧爲中策」，則又指今鄂州矣。沉泉。在咸甯西五十里（三九）。源出蒲圻境，入本縣界數里，下注大石竇中，聲如萬鼓聲，遂伏流不見。靜山。在江夏縣東一百二十里（四〇）。《方輿記》云：「其山迴聳，有曲澗茂林，可以棲息，故以『靜』名。」潛山。在咸甯南三十里。山如展旗。上有壇，舊傳抱朴子葛元煉丹於此（四一）。馮京未第時，築堂於山間讀書。有《潛山碑》及李唐侯記（四二）。湯泉。在蒲圻縣南五里。冬夏常沸。沸潭。在咸甯潛山側。水出石竇間，湧沸如湯。雋水。一名陸水，自巴陵入通城界。《舊經》引《漢書》：「雋，永也，又云肥肉曰雋，以此名水，取其味甘美而長。」蓴湖。在嘉魚懷仁鄉。蒲圻縣西北八十里亦有——。寶泉。《九域志》有——監，在州東二里。金水。《寰宇記》云：「在江夏南九十里。出秦山。舊記云：『有金雞從雞翅山南飛，又產金於此，故名。』」

【景物下】

一覽亭。在漕東衙。又有光華堂、巖洞堂。煙波亭。在設廳後北樹西。外瞰長江。江漢亭。在倅廳。張南軒作記。又有秀巖堂、半山亭、靜春臺。張芸叟《南遷錄》云：「鄂倅公宇，因古城作亭榭，俯瞰江、漢，景物最嘉。」湧月堂（四三）。在南樓、黃鶴樓之間。壓雲亭。在黃鶴山椒，隸統制司。又有雅歌堂。捲雪樓。在都統司。又捲雨樓及會景樓、賞心樓、楚江樓。清風樓。在都統司。生春樓。在總領所。即上酒庫也。又有清美樓。靜春臺。在倅廳。即江漢樓舊基。春陰亭。在漕西衙。舊名綠陰。又有民功堂、志功堂、華遠堂、凝香亭，其西南二亭皆曰橫舟。跨鶴亭。在東漕衙鶴山之背。黃鶴樓。在子城西南隅黃鶴磯山上。自南朝已著，因山得名。「鶴」、「鶴」古通用字。《南齊志》以爲世傳仙人子安乘黃鶴過此。《唐圖經》又云：「費禕文偉登仙，駕黃鶴返憩于此。」閻伯珪作記，以費禕事爲信，王得臣、張栻辨之。王欽若祖父仕鄂，母李氏有妊。就蓐之夕，江水暴漲，將壞廨舍，亟遷——，始免身。生男，即欽若也。時漢陽望見樓若有火光。石照亭。在黃鶴樓。西臨崖，有石如鏡，石色蒼澀，無異凡石。每爲西日所照，則炯然發光。仙棗亭。故址在南樓西。舊傳亭前棗木未嘗實（四四），一歲忽有實如瓜，太守命小史採而進，小史輒啖之，遂仙去。弭節亭（四五）。在竹籐門外，臨江。又有皇華館，在州治東南。又南津館在望澤門外，迎仙館在城南（四六），匹練亭在城東南五里。